

# Gereimtes - Kückenfest Ansprache



## Kückenfest Ansprache

Hüt vor 133 Täg do bin i gschlüpft us em Ei Afangs mit no ganz weiche. Bei Am Chuchitisch Bierli trinke und mi stärke für d Fasnacht. Es hät mer so guet gfalle, dass i fascht döre gmacht ha die ganzi Nacht.

De Obig isch für mi ganz bsundrig und e grossi Ehr dass fascht die ganzi Vogelschar versammlet isch bi mer.

D Probeziit die isch no nöd verbi, i weiss, vo de Stirn do tropft mer scho de Schweiss, hoffentlich nämed er mi im Januar als Vogel asus wär's pinlich für mi arme Maa.

Drum bitt i eu, säged JA

### Otto Nummer eis

dass i nöd bi de AXA versicheret bi macht hoffentli nüütes git bestimmt gnueg anderi Lüüt. Du setzisch di i für d Aliege vom Rhyboot. Und helfsch menge Mensche i NotDas gfällt mer sehr, drum säg bitte JA.

### Otto Peter Nummer zwei

Im Pfarrarchiv hät's schöni Fotis vom Otto-Peter im Talar I versprich, Si landed nöd uf em Trödlermart oder em Bazar I bhalts unter Verschluss, drum säg bitte JA.

### **Mämpf Nummer drüü**

Bi der han i als Goalie trainiert wie wild, au wenn's nöd glanged hät für is Fernseh Bild, säg bitte JA.

### **Reini Nummer 5**

Wie mängi Halb Liter Rivella han i trunke im Leue, häsch's nöd vergesse, s wür mi reue, dass es hüt Bier isch tuesch  
mer verzeihe, drum säg bitte JA

### **Koni Nummer 6**

Fruehner uf em Tschuttplatz händ mer üs troffe. Do han i echt no kei Bier gsoffe, aber is Gol han i au nie troffe –  
schliesslich bin i Goali gsi. Säg JA

### **Florian Nummer 7**

Du bisch en guete Lehrer gsi, das kann i säge, kann i bhopte ohne dass i bi verläge, schliesslich bin i nie zu ihm id  
Schuel, dass isch au besser so, susch wär dini Pensionierig scho fruehner cho. Drum säg bitte JA.

### **Jürg Nummer 8**

Uf em Sportplatz sind mer üs nie begegnet, nöd bi Sunneschi und nöd wenn's hät grägnet. Wäs wänd Turner scho mit  
Tschutter, die händ doch weichi Bei wie Butter. Säg trotzdem JA.

### **Benno Nummer 9**

Üser beide Firmene stönd nebed enand, drum gsend mer üs öppe und winked mit de Handi stand drum mangmal a de  
Rampe –das macht me als Nochbure sodass i denn au es Bierli mitnimm, ergibt sich afach so. Drum säg JA.

### **Bena Nummer 10**

Am Donnschtig noch em Unterricht do knurrt de Magegit's denn öppis zum esse muess i nöd klage, wenn i in  
Fleischegge chum weiss Bena scho was i wott und scho ischs Fleischkäsbrötl parat ganz flott. Gäl seisch JA

### **Erwald Nummer 11**

I mim Büro kann i nöd uf emene Züco Stuehl sitze, für das müsst i viel meh Geld besitze, er mag's mer verzeihe, oder s  
nötig Kligeld leihe. Hauptsach er sagt JA.

### **Hasa Nummer 12**

Üs verbinded s rundi Leder und de grüni Rase Zäme händ mer gspilt im Zwei i und de Hase. De Ufschtig i die dritt  
Liga händ mer gschafft, drum stossed mer jetzt a mit Gerstensaft. Gäll, seisch JA.

### **Peter Pürlibek Nummer 13**

Au wenn i s Brot bim Lombardi gang go hole-i gibz zue ganz verstohle, die beschte Püürli hät er gmacht, das weiss au i,  
drum sölls nöd andersch sii, sait au er JA.

### **Linus Nummer 15**

Zämme händ mer tschuttet bi de Juniore. Me wörs nöd glaube wenn me us Seniore. Jetzt do sitze gseht mit es paar  
graue Hoor, es sind halt scho verbi so mängi Joor. Als Teamkolleg saisch bitte JA.

### **Urs Nummer 16**

De Butzi isch min Trainer gsi im De. Dotzmol bin i en Fuessballstar gsi in spe. Es isch nöd sini Schuld, dass nünt isch

wore druss, das gib i zue ganz ohni Verdruss. Doch jetzt mög er mi ne is Team und säge JA.

### **Claudia Nummer 17**

Do weiss i nöd was säge, das macht mi scho e chli verläge, dis Chindli würd i gratis taufe, doch wenn i bi richtig informiert, so sind er beidi katholisch und nöd reformiert. I ökumenischem Sinn, säg trotzdem JA.

### **Urs Nummer 18**

Bevor er ischt verreist noch Griecheland. Hät er sini Tickets gno id Hand. Und hät si prüeft öbs denn mit em Datum au stimmt. Drum jetzt jede öppis z Trinke i d Hand nimmt. Mer stossed uf en a. Er sagt ganz bestimmt JA.

### **Pius Nummer 19**

Es freut mi immer wenn de Pius mit em Männerchor chunnt go singe. Chirche ist denn voll will jede es Gspänli tuet mitbringe, Danach git's en Apéro im Kirchgmeindhus. Und so isch scho mänge schöne. Morge worde drus. Weil i eu nöd falsch dri singe tue, sag JA

### **Kathrin Nummer 20**

Zäme mit em Pfarreirat organisieremer öppe es Kirchefäscht, de Erntedank und Suppetag, da isch s Bescht. I der Ökumene gits no mängs wo mer cha tue, drum wämers hüt doch nöd vertue, Katholisch oder reformiert, säg eifach JA.

### **Strick Nummer 21**

Was han i nöd scho alls verno über de Strick, nöd über d Beichte –und das isch jetzt kein Trick, I will eu aber nünt verrote, aber de Daniel schmeckt de Brote, es isch wäg de Ferie GmbH, drum säg nume JA.

### **Götti Nummer 22**

Min Götti hät scho gfuschtet, de wo bi minere Taufi isch dr bi gsi, de bi de Obervögel au, dass ka doch kein Zufall si, Uf beidi bin i stolz und si lueged mer guet. I bi sicher, er steht mer guet de Obervogelhuet. Au wenn i vom Fuschte kai Ahnig ha,gell, Du seisch sicher Ja.

Liebi Obervögel, i hoff i ha eu köne überzüge, ohne dass i hett müesse lüge, doch bevor jetzt alli in Schlof versinked, s' isch besser wenn mer no eis trinked. I hör jetzt uf mit zwitschere, drum hebid s Glas mit eu machd s Läbe Spass.

Prost.

### **Kücken XXIII**